



**Republika e Kosovës**  
**Republika Kosova – Republic of Kosovo**  
**ORGANI SHQYRTUES I PROKURIMIT**  
**TELO ZA RAZMATRANJE NABAVKE**  
**PROCUREMENT REVIEW BODY**

**RAPORTI I EKSPERTIT SHQYRTUES**

| <i>Emri dhe Mbiemri i eks. Shqyrtues dhe nënshkrimi – Hysni Muhadri</i> | <i>Data e autorizimit të ekspertit</i> | <i>Data e dorëzimit të raportit</i> | <i>Nr. i lëndës:</i> |
|---|--|-------------------------------------|----------------------|
| Hysni Muhadri<br>   | 26.10.2020                             | 02.11.2020                          | 844/20               |

**NENI 105 i LPP-së, BAZA LIGJËRE E SHQYRTIMIT**

Me datën: 22.10.2020, OE ankues **"SAMIR OSMANI B.I & DPT JONATAN-P"** – Suharekë, ka parashtruar ankesë me nr: 844/20, kundër njoftimit mbi vendimin e AK-së, ku është anuluar aktiviteti i prokurimit, lidhur me aktivitetin e prokurimit: **"SPERKATJA NGA TOKA E ZONAVE ENDEMIKE NGA ETHET HEMORRAGJIKE"**, me nr. të prokurimit: 62500-20-927-2-2-1, iniciuar nga autoriteti kontraktues (AK) – Kuvendi Komunal Malisheve (KKM).

Autoriteti kontraktues ka zbatuar procedurë të hapur, lloji i kontratës: punë, vlera e parashikuar e kontratës: 60.000,00 €.

|   |                |
|---|----------------|
| Data e njoftimit për kontratë.....                              | 18.03.2020.    |
| Data e hapjes së ofertës.....                                   | 08.04.2020.    |
| Data e njoftimit për anulim të aktivitetit të prokurimit.....   | 07.10.2020.    |
| Data e kërkesës për rishqyrtim.....                             | 12.10.2020.    |
| Data e vendimit të AK-së lidhur me kërkesën për rishqyrtim..... | Nuk ka Vendim. |

Është e përsëritur ankesa.

Konform nenit 113, 114 të Ligjit Nr. 04/L-042, i plotësuar dhe ndryshuar me Ligjin 04/L-237, Ligjin 05/ L-068, dhe Ligjin 05/ L-092, Eksperti Shqyrtues i ka shqyrtuar pretendimet ankimore të OE ankues.



**PRETENDIMET ANKIMËRE DHE DISPËZITAT E SHKELURA OE "SAMIR OSMANI B.I & DPT JONATAN-P" – Suharekë.**

Neni 1 – Qëllimi;

Neni 6 – Ekonomiciteti dhe Efikasiteti;

Neni 7 – Barazia në trajtim / jo Diskriminimi;

Neni 56 – Dispozitat e Përgjithshme mbi Përzgjedhjen e Pjesëmarrësve dhe Dhënien e Kontratave;

Neni 59 – Ekzaminimi, vlerësimi dhe krahasimi i tenderëve;

**DEKLARATA DETALE MBI FAKTET DHE ARGUMENTET:**

**Neni 1 – paragrafi 1,2,3 – i Ligjit Nr. 04/L-042**

**Neni 1**

**Qëllimi**

1. Qëllimi i këtij ligji është të siguroj mënyrën më efikase, më transparente dhe më të drejtë të shfrytëzimit të fondeve publike, burimeve publike si dhe të gjitha fondeve dhe burimeve të tjera të autoriteteve kontraktuese në Kosovë duke përcaktuar kushtet dhe rregullat që do të zbatohen, procedurat që do të ndiqen, të drejtat që do të respektohen dhe detyrimet që do të përmbushen nga personat, operatorët ekonomik, ndërmarrjet, autoritetet kontraktuese, koncesionerët e punëve dhe organet publike që zhvillojnë, përfshihen, marrin pjesë ose interesohen, në aktivitetet e prokurimit ose që përfshihen ose kanë të bëjnë me fondet dhe/ose burimet e tilla.
2. Ky ligj gjithashtu ka për qëllim të siguroj integritetin dhe përgjegjësinë e zyrtarëve publik, nëpunësve civil dhe personave të tjerë që kryejnë ose janë të përfshirë në një aktivitet të prokurimit duke kërkuar që, vendimet e individëve të tillë dhe baza ligjore e faktike për vendimet e tilla, të mos ndikohen nga interesat personale, të karakterizohet me jo-diskriminim dhe me një shkallë të lart të transparencës dhe, të jenë në përputhje me kërkesat procedurale dhe qenësore të këtij ligji.
3. Ky ligj ka për qëllim të nxisë krijimin e një kulture institucionale të profesionalizuar të pandikuar nga interesat materiale, të paanshme, etike, në mesin e personave zyrtarë që kryejnë ose janë të përfshirë në një aktivitet të prokurimit, duke kërkuar nga personat e tillë që të sjellin duke ndjekur parimin e shfrytëzimit sa më efikas, me kosto ekonomike, transparent dhe të drejtë të fondeve dhe burimeve publike ndërkaq duke iu përmbajtur rreptësisht procedurave dhe kushteve qenësore të këtij ligji.

**Deklarata, Faktet dhe argumentet:**

**Ne konstatojmë që kjo dispozitë e LPP është shkeluar:**

AK – Komuna e Malisheves nuk ka trajtuar fondet publike me efikasitet, transparence sipas rregullave dhe ligjeve në fuqi. Pasi ne si Grupi i Operatorëve Ekonomik "SAMIRE OSMANI" B.I. & D.P.T. JONATAN-P p.n. kemi ofertë më të lirë, dhe jemi oferte e përgjegjeshme dhe AK ne fillim është dashur të na shpallë fitues mirpo zyrtaret publike të kësaj Komune kan vepruar me papergjegjshmeri dhe kane marre vendime ne kundërshtim me interesin publike të komunes si dhe vendimet e ketyre janë karakterizuar me jo transparenc ,diskriminim dhe me shkalle të larte të papergjegjshmerisë duke mos i respektuar ligjet e LPP-se .

AK – Komuna e Malisheves ka shkeluar LIGJIN pasi zyrtarët publik të cilët janë pjesë e AK – Komuna e Malisheves, komisioni vlerësues dhe zyrtarë tjerë të cilët kanë qenë pjesë e këtij aktiviteti të prokurimit nuk kanë punuar me integritet dhe përgjegjshmëri, dhe se nuk e kanë kryer punën në përputhje me rregullat dhe ligjet e LPP. Ne kemi kërkuar nga AK – Komuna e Malisheves të veproj konform



rregullave dhe ligjeve në fuqi, dhe se në rast se ndodhë e kundërta ne do të ngrisin kallxim penal ndaj punonjëseve të cilët i tejkalojnë dhe shkelin rregullat dhe ligjet e LPP. Andaj tani kërkojme nga Organi i Shqyrtimit të Prokurimit Publike të veproje në favore të argumenteve tona.

AK – Komuna e Malisheves në trajtimin e ofertës sonë është treguar joprofesionale dhe është ndikuar, ka qene e anëshme ndaj një OE, nuk ka vepruar ndaj parimit të shfrytëzimit sa më efikas të fondeve dhe kosto ekonomike më të ulët, dhe se nuk është përmbajtur ndaj procedurave dhe rregullave të këtij ligji.

AK – Komuna e Malisheves dhe zyrtaret përgjegjës të prokurimit nuk kanë vepruar në përputhje me Vendimin e Panelit Shqyrtues : 286/20 dt. 30.06.2020 dhe 530/20 dt. 04.09.2020. Vendimi i Oranit Shqyrtues të Prokurimit është obligativ për zbatim nga Autoritetet Kontraktuese.

Ne si Grupi i Operatorëve Ekonomik "SAMIRE OSMANI" B.I. & D.P.T. JONATAN-P p.n kemi bere kerkese per Rishqyrtim kunder vendimit per anulim me date 12.10.2020 mirpo AK edhe perkunder pranimit te Kerkeses sone nuk eshte pergjigjur fare.Ne sistemin e-prokurimi ne vendimin per Anulimin e kemi pranuar me date 08.10.2020 dhe kerkesen per Rishqyrtim e kemi dorzuar me date 12.10.2020 dhe ende s kemi pranuar asnje pergjigje nga AK.

#### **Neni 6 – paragrafi 1 – i Ligjit Nr. 04/L-042**

##### **Neni 6 Ekonomiciteti dhe Efikasiteti**

1. Të gjitha autoritetet kontraktuese, janë të obliguara që të sigurojnë që fondet publike dhe burimet publike të përdoren në mënyrën më ekonomike, njëkohësisht duke marrë në konsideratë qëllimin dhe lëndën e prokurimit.

##### **Deklarata, Faktet dhe argumentet:**

##### **Ne konstatojmë që kjo dispozitë e LPP është shkeluar:**

AK – Komuna e Malisheves ka shkeluar ligjin e LPP-se pasi ne si Grupi i Operatorëve Ekonomik "SAMIRE OSMANI" B.I. & D.P.T. JONATAN-P kemi ofertuar me çmim prej 47,500.00 € ( katër dhjetë e shtatë mijë e pesë qindë Euro), ndërsa OE tjere ne kete aktivitet te prokurimit ka cmime te larta si 60,000.00 (gjashte dhjetë mijë Euro), e që është për 12,500.00 € (dymbëdhjetë mijë e pesëqindë euro më shumë se oferta jonë).

#### **Neni 7 – paragrafi 1,2,4,6 – i Ligjit Nr. 04/L-042**

##### **Neni 7 Barazia në Trajtim/ Jo-Diskriminimi**

1. Autoriteti kontraktues do të trajtoj operatorët ekonomik në mënyrë të barabartë dhe jo-diskriminuase dhe do të veprojë në mënyrë transparente.
2. Autoriteti kontraktues nuk do të ekzekutojë asnjë aspekt të aktivitetit të prokurimit në një mënyrë që reduktin apo eliminon konkurrencën në mes të operatorëve ekonomik ose që diskriminon në dëm ose në të mirë të një ose më shumë operatorëve ekonomik.
4. Autoriteti kontraktues nuk do të krijojë ose imponojë dhe do të marrë të gjitha masat e nevojshme për të parandaluar krijimin ose imponimin e rrethanave ose kushteve që rezultojnë në diskriminim territorial, fizik, material, personal ose organizativ ndërmjet operatorëve ekonomik.



6. Gjatë udhëheqjes së aktiviteteve të prokurimit, të gjitha autoritetet kontraktuese do të sigurojnë:
- (i) pjesëmarrjen sa më të gjerë të mundshme të operatorëve të interesuar ekonomik lidhur me qmimin dhe lëndën e prokurimit; (ii) publikimin e rregullt, dërgimin dhe/ose disponueshmërinë e të gjitha njoftimeve, ftesave, informacioneve dhe dokumenteve që kanë të bëjnë me aktivitetin e prokurimit në përputhje me këtë ligj; (iii) eliminimin e praktikave, kriterëve, kërkesave dhe specifikimeve teknike që diskriminojnë në favor ose kundër një ose më shumë operatorëve ekonomik; (iv) që të gjitha specifikimet teknike dhe të gjitha kërkesat për përzgjedhje dhe dhënie, duke përfshirë rëndësinë relative të secilës kërkesë dhe kriter të tillë, si dhe metodat e përzgjedhjes dhe dhënies të saktësohen në njoftimin e kontratës ose konkursit përkatës të projektimit, në ftesën për tender ose pjesëmarrje dhe/ose në dosjen e tenderit; (v) që asnjë kërkesë, kriter, specifikim që nuk është saktësuar kështu, të mos përdoret në procesin e përzgjedhjes ose dhënies, dhe (vi) që tenderi i zgjedhur të përputhet me të gjitha aspektet përmbajtësore të kushteve, kriterëve dhe specifikimeve përkatëse.

**Deklarata, Faktet dhe argumentet:**

**Ne konstatojmë që kjo dispozitë e LPP është shkeluar:**

Ne si Grupi i Operatorëve Ekonomik "SAMIRE OSMANI" B.I. & D.P.T. JONATAN-P nuk jemi trajtuar të barabart sipas ligjit të LPP-së. Dhe AK nuk i ka respektuar vendimet e OSHP-së.

AK – Komuna e Malisheves në trajtimin e ofertës sonë është treguar joprofesionale, është ndikuar, ka qene e anëshme ndaj një OE, nuk ka vepruar ndaj parimit të shfrytëzimit sa më efikas të fondeve dhe kosto ekonomike më të ulët, dhe se nuk është përmbajtur ndaj procedurave dhe rregullave të këtij ligji.

AK – Komuna e Malisheves dhe zyrtaret përgjegjës të prokurimit nuk kanë vepruar në përputhje me Vendimin e Panelit Shqyrtues : 286/20 dt. 30.06.2020 dhe 530/20 dt. 04.09.2020. Vendimi i Oranit Shqyrtues të Prokurimit është obligativ për zbatim nga Autoritetet Kontraktuese.

**Neni 56 – paragrafi 1,3 – i Ligjit Nr. 04/L-042**

**Neni 56**

**Dispozitat e Përgjithshme mbi Përzgjedhjen e Pjesëmarrësve dhe Dhënien e Kontratave**

1. Të gjitha kontratat publike do të jepen, sipas procedurave të themeluara për një seleksionim të tillë, dhe përmes:
  - 1.1. së pari, vlerësimit të tenderëve dhe kandidatëve sipas kërkesave të kualifikimit të specifikuar në njoftimin e kontratës dhe në dosjen e tenderit sipas paragrafit 2, të nenit 51 të këtij ligji, dhe tenderëve sipas specifikimeve teknike të kërkuara në bazë të nenit 28 të këtij ligji;
  - 1.2. së dyti, vlerësimi i tenderëve në përputhshmëri të kriterëve të vendosura në nenin 60 të këtij ligji.
3. Tenderuesi, gjatë procedurave të hapura, ose kandidati, gjatë procedurave të kufizuara dhe procedurave të negociuara, pas publikimit të njoftimit të kontratës, nuk do të diskualifikohet ose përjashtohet nga procedurat e tilla në baza të ndonjë kërkesë ose kriteri që nuk është i cekur në njoftimin e kontratës dhe në dosjen e tenderit.

**Deklarata, Faktet dhe argumentet:**

**Ne konstatojmë që kjo dispozitë e LPP është shkeluar:**

AK nuk ka respektuar kriteret për dhënie e kontratës, dhe se kontrata nuk ju është dhënë një OE i cili është përgjegjshëm dhe AK ka vepruar në kundërshtim me këtë dispozitë të këtij neni dhe se AK konkretisht komisioni vlerësues ka



shkelur kështu dispozita të këtij paragrafi. Autoriteti Kontraktues nuk ka respektuar dispozitat dhe ligjet në fuqi mbi përzgjedhjen e pjesëmarrësve dhe Dhënien e Kontratës në disa vlerësime që i ka bërë në këtë procedurë të prokurimit.

AK – Komuna e Malisheves nuk ka respektuar vendimin e OSHP-se dhe zyrtaret përgjegjës të prokurimit nuk kanë vepruar në përputhje me Vendimin e Panelit Shqyrtues : 286/20 dt. 30.06.2020 dhe 530/20 dt. 04.09.2020. Vendimi i Oranit Shqyrtues të Prokurimit është obligativ për zbatim nga Autoritetet Kontraktuese.

#### **Neni 59 – paragrafi 4 – i Ligjit Nr. 04/L-042**

##### **Neni 59 Ekzaminimi, Vlerësimi dhe Krahësimi i Tenderëve**

2. Autoriteti kontraktues mundet që me shkrim të kërkojë nga një tenderues që të sigurojë një sqarim me shkrim mbi cilindo nga aspektet e tenderit të tij, në mënyrë që të bëhet ekzaminimi, vlerësimi ose krahasimi i tenderëve. Asnjë ndryshim material dhe asnjë aspekt i tenderit nuk duhet të kërkojen ose pranchen nga autoriteti kontraktues ose të ofrohen nga një tenderues.
4. Autoriteti kontraktues do të konsiderojë një tender si të përgjegjshëm vetëm nëse tenderi në fjalë është në përputhshmëri me të gjitha kërkesat e parashtruara në njoftimin e kontratës dhe në dosjen e tenderit. Pavarësisht nga e mëparshmeja, autoriteti kontraktues mund të konsiderojë një tender si të përgjegjshëm nëse: (i) përmban vetëm gabime ose paqartësi të cilat mund të korrigjohen pa ndryshuar kushtin material apo aspektin e tenderit në fjalë, ose (ii) përmban vetëm devijime të vogla që nuk mund të shkaktojnë ndryshime materiale ose devijime nga karakteristikat, kushtet, dhe kërkesat e tjera të parashtruara në njoftimin e kontratës dhe në dosjen e tenderit; me kusht që, çfarëdo devijimi i tillë të kuantifikohet, aq sa është e mundshme, dhe të merret parasysh gjatë vlerësimit dhe krahasimit të tenderëve.

#### **Deklarata, Faktet dhe argumentet:**

##### **Ne konstatojmë që kjo dispozitë e LPP është shkelur:**

AK – Komuna e Malisheves dhe komisioni vlerësues nuk ka kryer vlerësim dhe krahasim të ofertave në përputhje me LPP

Grupi i Operatorëve Ekonomikë "SAMIR OSMANI" B.I. & D.P.T. JONATAN-P sipas vendimeve të OSHP-se: 286/20 dhe 530/20 në jemi të përgjegjshëm dhe AK nuk ka vazhduar me procedurën e prokurimit.

Ne konstatojmë që antarët e komisionit vlerësues kanë tejkaluar ushtrimin e punës dhe veprimat siq e përcakton ky neni 59, dhe dispozitat e ligjit të prokurimit publik.

AK- Komuna e Malisheves nuk ka dërguar as leter standarde për tenderuesit e suksesshëm apo pasuksesshëm, dhe as nuk ka nxjerrë vendim nga AK lidhur me procedurën. Kjo është shkelje e RROUP dhe LPP.

**NE KËRKOJM NGA ORGANI SHQYRTUES I PROKURIMIT  
QË TA APROVOJ SI TË BAZUAR ANKESËN TONË DHE TË URDHËROHET  
AK PËR NËNSHKRIMIN SA ME PARË TË KONTRATËS .**

#### **FAKTET E RASTIT TË RËNDËSISHME PËR PRETENDIMET – KRITERET PËR VLERËSIM**

##### **III.2.1) Kërkesat e përshtatshmërisë:**

1. Përshtatshmëria e OE me kërkesat e nenit 65 të Ligjit Nr.04 L-042 – për Prokurimin Publik të Republikës së Kosovës, i ndryshuar dhe plotësuar me ligjin Nr. 04 L-237, ligjin Nr. 05 L-068 dhe ligjin Nr. 05 L-092 deklarata nën betim.

##### **Dëshmia e kërkuar dokumentare:**

a. Një deklaratë nën betim se ju i përmbushni kërkesat për përshtatshmëri të Ligjit Nr.04 L-042, për Prokurimin Publik të Republikës së Kosovës, i ndryshuar dhe plotësuar me ligjin Nr. 04 L-237, ligjin Nr. 05 L-068 dhe ligjin Nr. 05 L-092 e nënshkruar nga



|   |  |
|---|--|
| <p>2.Një vërtetim i nënshkruar nga Administrata Tatimore e vendit tuaj të themelimit, se ju nuk jeni me vonesë për pagimin e tatimeve së paku deri në tremujorin e fundit përpara dorëzimit të tenderit.</p> <p>3.Një vërtetim nga autoriteti kompetent gjyqësor i vendit të themelimit të tenderuesit (GjTHK) se tenderuesi nuk ka pengesa lidhur me Kërkesat e pershtatshmerise Pika 6.2 .nën a,c,d,e,f dhe pika 6.3 nën a.b. dhe d. të dosjes se tenderit (deri në tremujorin e fundit përpara dorëzimit të tenderit).</p> | <p>tenderuesi duke përdorur formën e Aneksi 2 në dosjen e tenderit.</p> <p>b.Vërtetimi nga Administrata Tatimore - duhet të dorëzohet nga tenderuesi që propozohet për kontratë.</p> <p>c.Vërtetimin nga Gjykata - duhet të dorëzohet nga tenderuesi që propozohet për kontratë. Në rast të dështimit të dorëzimit të dokumenteve nën pikën b. dhe c. tenderi në fjalë do të refuzohet.</p>  |
| <p><b>III.2.2) Përshtatshmëria profesionale:</b></p> <p>1.Regjistrimi në regjistrin profesional të ndërmarrjeve.</p> <p>2.Regjistrimi i numrit fiskal në ATK.</p> <p>3.Çertifikata e TVSH-së.</p> <p>4.Leja-licenca nga ministrit perkatese për kryerjen e shërbimeve të sperkatjes.</p> <p>5.Leja për importim dhe përdorim të produkteve biocide.</p>   | <p><b>Dëshmia e kërkuar dokumentare:</b></p> <p>a.Vërtetimi nga Ministria për regjistrimçertifikata e biznesit me llojin e veprimtarive të regjistruara (kopje).</p> <p>2.Regjistrimi i numrit fiskal në ATK.</p> <p>3.Çertifikata e TVSH-së.</p> <p>4.Leja-licenca nga ministrit perkatese për kryerjen e shërbimeve të sperkatjes.</p> <p>5.Leja për importim dhe përdorim të produkteve biocide.</p>  |
| <p><b>III.2.4) Kapaciteti ekonomike dhe financiare:</b></p> <p>1.Qarkullimi financiar në tri vitet e shkuara nga data e njoftimit për kontratë minimum 90,000.00€ (nëntëdhjetëmijë euro).</p>   | <p><b>Dëshmia e kërkuar dokumentare:</b></p> <p>1.Raportin apo raportet përkatëse nga një ose më shumë banka për tri vitet e shkuara nga data e publikimit të njoftimit për kontratë që e pasqyrojnë këtë qarkullim.</p>   |
| <p><b>III.2.4) Kapaciteti teknik dhe profesional:</b></p> <p>1. OE të ketë së paku një (1) fumigator që montohet në kamionet.</p> <p>2. Operatori Ekonomik duhet të paraqes listën e shërbimeve të njëjta të realizuara në tri vitet e shkuara nga data e publikimit të njoftimit për kontratë.</p> <p>3. OE të ketë ekspertin për lëminë e spërkatjes së sipërfaqeve kundër rriqrave—një agronom, epidemiolog ose biolog i diplomuar në cilësi të ekspertit.</p>   | <p><b>Dëshmia e kërkuar dokumentare:</b></p> <p>Të sillet dëshmia mbi pronësin apo marrjen me qera të kësaj paisje për sperkatje.</p> <p>Të dorëzoni listën e shërbimeve të realizuara në tri vitet e shkuara nga data e publikimit të njoftimit për kontratë e vërtetuar nga ju, ku përfshihen tituj e projekteve, numri, datat e kontraktimit dhe përfundimit të tyre si dhe dëshmitë e përfundimit të certifikatave (raportet e pranimit), referencat për shërbimet etj. Nëse kontrata është e lidhur me personë fizik, dëshmia e pagesës përmes bankës ). Për ekspertin të sillet diploma ose çertifikata kopje, CV-ja e tij dhe kontrata e punës.</p> |



## RAPËRTI I KËMISIËNIT VLERËSUES

Duke u bazuar në raportin e vlerësimit, komisioni vlerësues ka konstatuar si në vijim:  
Komisioni pasi ka analizuar ofertat, duke marr parasysh të gjitha kërkesat e FDT-së, për këtë lende, rekomandon ZP që të anulohet aktiviteti i prokurimit.

Ky rekomandim i komisionit vlerësues është aprovuar dhe është bërë Njoftimi mbi vendimin e AK-së me 07.10.2020.

Operatori ekonomik ankues **"SAMIR OSMANI B.I & DPT JONATAN-P"** – Suharekë, ka ofertuar në vlerë totale të ofertës: 47,500.00€.

## VENDIMET E MËPARSHME LIDHUR ME RASTET E NGJASHME

N/A

## ARSYETIMI PËR DEVIJIM NGA PRAKTIKA E MËPARSHME

N/A

## VLERËSIMI I PRETENDIMEVE TË NDRYSHME TË ANKESËS SË OE ANKUES "SAMIR OSMANI B.I & DPT JONATAN-P" – Suharekë.

### *Përgjigje në Pretendimi nr. 1*

Eksperti shqyrtues konstaton në Vendimin PSH. Nr 530/20, të dt:04.09.2020, e ka lënë në fuqi vendimin e AK-së, e dt:13.07.2020, me arsyetimin:

Lidhur me pretendimin e operatorit ekonomik ankues NSHB "ZONA PARK" – Prizren se AK e ka shpallur si të papërgjegjshëm me arsyetimin se me kërkesën e AK-së për vazhdimin e validitetit të ofertës për 60 ditë dhe sigurimin e tenderit për 90 ditë ashtu siç është kërkuar në letrën standarde për vazhdimin e validitetit në e-prokurim me datë 03.07.2020, OE ankues ka pasur afat që të dorëzojë deri me datë 06.07.2020 në ora 14:00, ndërsa OE ankues nuk është përgjigjur brenda afatit të përcaktuar nga AK.

Paneli Shqyrtues konform ekspertit shqyrtues sqaron se AK me datë 03.07.2020 i ka kërkuar OE ankues NSHB "ZONA PARK" që deri me datë 06.07.2020, në ora 14:00 të bëjë zgjatjen e validitetit të ofertave dhe zgjatjen e sigurimit të tenderit për shkak se OE ankues me datë 06.07.2020 i skadon sigurimi tenderit. Ndërsa, OE ankues me datë 07.07.2020 përgjigjet me deklaratë për zgjatjen e vlefshmërisë të tenderit me afat prej 60 ditësh. Kurse, AK me datë 24.07.202 njerrë vendim mbi kërkesën për rishqyrtim, ku hedhet si e pa bazuar kërkesa për rishqyrtim të OE ankues për shkak se AK në letrën standarde të ngarkuar në e-prokurim për vazhdimin e validitetit të ofertës ju nuk e keni bërë vazhdimin e validitetit dhe sigurimin e tenderit brenda afatit të përcaktuar nga AK. Andaj, Paneli Shqyrtues duke pasur parasysh që OE ankues nuk e ka vazhduar validitetin e ofertës dhe sigurimin e tenderit brenda afatit të përcaktuar nga AK, ky pretendim ankimor është i pa bazuar.

Paneli Shqyrtues konform ekspertit shqyrtues sqaron se në vendimin PSH.Nr.286/20 të dt. 30.06.2020, është aprovuar ankesa e OE ankues "SAMIR OSMANI B.I & DPT JONATAN-P", me arsyetimin duke ja aprovuar si të bazuara pretendimet e ngritura në ankesën 286/20. Për më shumë referojuni pjesës së arsyetimit të vendimit PSH.Nr 286/20. Pra, duke pasur parasysh vendimin e OSHP-së PSH.Nr.286/20, si dhe konform rregullores së punës së OSHP-së, konkretisht nenit 16.2, Paneli Shqyrtues konform ekspertit shqyrtues sqaron se kjo çështje trajtohet si "Res Judicata". Gjithashtu, neni 105 paragrafi 2.16 i LPP-së, sqaron: "Në rastet e përsëritura me pretendimet e njëjta ankimore, kur objekti i kontestit dhe palët janë të

Faqe 8 nga 9



njëjta, për raste të cilat janë shqyrtuar më parë, kryetari i panelit shqyrtues duhet të trajtoj si çështje të gjykuar "res judicata".

Paneli Shqyrtues duke u bazuar në shkresat e lëndës dhe sqarimet e ekspertit shqyrtues, vjen në përfundim se OE ankues nuk e ka bërë zgjatjen e validitetit të ofertës dhe sigurimit të tenderit brenda afatit ligjor të përcaktuar nga AK, ku në këtë rast ky tender konsiderohet si i pa përgjegjshëm. Po ashtu, Paneli Shqyrtues konsideron se autoriteti kontraktues ka bërë ekzaminimin, vlerësimin dhe krahasimin e tenderëve konform nenit 59 të LPP-së dhe kërkesave të përcaktuara në dosje të tenderit dhe njoftimit për kontratë.

Bazuar në arsyetimin e Vendimit PSH.nr.530/20, mun të konkludojm se AK-së, nuk ju ka përmbajtur vendimit në fjalë.

Autoriteti kontraktues me dt:07.10.2020, e ka anuluar aktivitetin e prokurimit, ku në Njoftim për anulim të aktivitetit të prokurimit thuhet:



Një dispozitë në Ligjin e Prokurimit Publik kërkon anulimin e aktivitetit të prokurimit;

**DUKE U MBESHTETUR NE VENDIMIN E ZKA TË AK ME NR PROTOKOLI 01 984 TË DATES 02.10.2020 NË NENIN 3 NE E BEJM ANULIMIN E E AP PËRSHKAK TË PAMUNDËSIS SË REALIZIMIT TË PROJEKTIT DHE VONESAVE TË SHKAKTUARA NGA PARASHTRIMI I ANKESAVE NGA OPERATORET EKONOMIK NË OSHP.**

Operatori ekonomik ankues "SAMIR OSMANI B.I & DPT JONATAN-P", me dt:12.10.2020, ka parashtuar kërkesë për rishqyrtim tek AK-së.

Gjatë shqyrtimit të pretendimeve të OE ankues, dhe analizimit të dëshmive të ngritura nga AK-së në e-prokurim, nuk e kam hasur vendimin apo përgjigjen e refuzimit apo aprovimit të kërkesës për rishqyrtim.

Në bazë të dëshmive në dispozicion, mund të konstatoj se AK-së nuk ju ka përmbajtur nenit 108/A të LPP-së.

Po të analizohet arsyetimi të anulimit të aktivitetit të prokurimit mund të vijmë në përfundim, se gjatë anulimit të aktivitetit të prokurimit AK-së, nuk e ka respektuar nenin 62 të LPP-së.

1. Autoriteti kontraktues duhet të përfundojë atë aktivitet të prokurimit i cili nuk do të rezultojë në dhënien e kontratës vetëm për njërën nga arsyet:
  - 1.1. një shkelle e ligjit aktual ka ndodhur apo do të ndodh në procedurën e prokurimit, e cila nuk mund të rregullohet apo të parandalohet përmes një amandamenti ligjor të kushteve të prokurimit, duke përfshirë edhe rastet ku një dispozitë e këtij ligji kërkon anulimin e aktivitetit të prokurimit.
2. Autoritetet kontraktuese mund të përfundojnë atë aktivitet të prokurimit i cili nuk do të rezultojë në dhënien e kontratës vetëm për njërën nga arsyet:



2.1 të gjithë tenderët e përgjegjshëm përmbajnë çmime që e tejkalojnë buxhetin e autoritetit kontraktues për aktivitetin e prokurimit; apo

2.2. para hapjes së tenderëve, ndërprerja e aktivitetit të prokurimit është bërë e nevojshme për shkak të ngjarjeve objektive dhe që mund të demonstrohen dhe/ose arsyeve që janë jashtë kontrollit të autoritetit kontraktues dhe që nuk mund të parashikohen në kohën e inicimit të aktivitetit të prokurimit por kjo duhet të bëhet së paku tre (3) ditë para hapjes së tenderëve.

#### **MENDIMI I EKSPERTIT SHQYRTUES**

Duke u bazuar në sqarimet e lartpërmendura, eksperti shqyrtues i propozon panelit shqyrtues që ankesa e OE ankues të aprovohet si e bazuar, dhe të anulohet Njoftimi mbi anulimin e aktivitetit të prokurimit.

Raporti i ekspertizës ti dorëzohet:

- Autoritetit Kontraktues – **Kuvendi Komunal Malisheve (KKM).**
- Panelit Shqyrtues – **OSHP.**
- OE ankues – **“SAMIR OSMANI B.I & DPT JONATAN-P”**



